



Broj: 05-04-20-3269-7/26
Maglaj, 25.08.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3269-5/26 od 25.08.2026. godine, u postupku javne nabavke „Nabavka i ugradnja vanjske stolarije i izrada odvodnje oko objekta sportske dvorane srednjih škola u Maglaju“, Općinski načelnik donosi

ODLUKU

o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci i ugradnji vanjske stolarije i izradi odvodnje oko objekta sportske dvorane srednjih škola u Maglaju dodjeljuje se ponuđaču „DKM gradnja“ d.o.o. Maglaj, u skladu sa ponudom 106/26 od 07.08.2026. godine, po ukupnoj cijeni od 170.567,00 KM bez PDV-a, odnosno 199.563,39 KM sa PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-3269-1/26 od 20.07.2026. godine, pokrenut je postupak javne nabavke „Nabavka i ugradnja vanjske stolarije i izrada odvodnje oko objekta sportske dvorane srednjih škola u Maglaju“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-86-3-78/26 od 30.07.2026. godine. Sažetak obavještenja o nabavci objavljen je u „Službenom glasniku BiH“, broj 52/26.

Procijenjena vrijednost nabavke je 170.940,17 KM bez PDV-a, odnosno 200.000,00 KM sa uračunatim PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-04-20-3269-3/26 od 31.07.2026. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene dvije ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	Konzorcij "Niwx" d.o.o. Derventa i "Ehta-R" d.o.o. Derventa	Polje 40, Derventa Lug MP 16 br. 227	07.08.2026. 09,10h	7844
2.	"DKM gradnja" d.o.o. Maglaj	Viteška ulica bb, Maglaj	10.08.2026. 07:49	7860

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je prihvatljivom ocijenila ponudu ponuđača „DKM gradnja“ d.o.o. Maglaj. Ponuda grupe ponuđača/konzorcija "Niwx" d.o.o. Derventa i "Ehta-R" d.o.o. Derventa, odbijena je nakon pregleda cjelokupne dostavljene dokumentacije, zbog određenih nedostataka u ugovoru o konzorcijumu. Naime, tačkom 4.1.2. tenderske dokumentacije propisano je da grupa ponuđača dostavlja pravni akt o udruživanju/zajedničkom nastupu koji mora sadržavati informacije o tome ko su članovi grupe ponuđača sa tačnim identifikacionim elementima, ko ima pravo istupa, predstavljanja i ovlaštenja za potpisivanje ugovora u ime grupe ponuđača, kao i utvrđenu solidarnu odgovornost između članova grupe ponuđača za obaveze koje preuzima. Uvidom u Ugovor o konzorcijumu, broj I-159/26 od 06.08.2026. godine, Komisija je konstatovala da isti ne sadrži traženu odredbu o solidarnoj odgovornosti za preuzete obaveze. Zbog navedenog ova ponuda je ocijenjena nepravilnom jer nije u skladu sa svim zahtjevima iz tenderske dokumentacije.

Planirana e-aukcija nije održana, s obzirom da je nakon pregleda i ocjene ponuda preostala samo jedna prihvatljiva ponuda, kako slijedi:

r/ b	Naziv ponuđača	Cijena / KM bez PDV-a	Cijena / KM sa PDV-om
1.	"DKM gradnja" d.o.o. Maglaj	170.567,00	199.563,39

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor o nabavci i ugradnji vanjske stolarije i izradi odvodnje oko objekta sportske dvorane srednjih škola u Maglaju

dodijeli ponuđaču „DKM gradnja” d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 25.08.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

